



Dyktig dugnadskvartett: Eli Eiane Klyve, Ase Myklebust, Haldis Akra og Anita Simensen. (Foto: Ola Matti Mathisen)

**Idrettslaget har kome i gang med utgreiinga av kva som skal skje med grusbana, slik det vart gjeve fullmakt til på siste årsmøte. Men noko avklaring har enno ikkje skjedd og førebels satsar laget på å halda bana og området rundt skikkeleg vedlike. Fredag var både unge og eldre med på rakedugnad.**

- Men det er den reorganiserte fotballgruppa med Jostein Hauso som leiar som har gjennomført slåtten her, med klyppar utlånt av Tor Ove Haugland, opplyser den nye leiar i idrettslaget Eli Eiane Klyve til uskedalen.no

Ho står på i rakedugnaden saman med Haldis Åkra, Anita Simensen og Åse Myklebust, men det er også fleire som har gjort ein innsats denne fredagen.

Tidlegare år har det av og til svikta med slåtten rundt bana, men det skal ikkje skje i år, lovar leiaren. Åkra og Simensen er med i fotballgruppestyret og det er også Knut Johannes Ripel.

- Men eg lyt koma med eit lite hjartesukk, seier den nye leiaren.

- Vi har mykje mindre ressursar å rutta med no enn tidlegare, fordi kommunen har skore ned driftstilskotet drastisk i år - til vel 9.000 kroner. Inntektene våre blir slukt av anleggsdrifta og situasjonen er noko frustrerende. Heldigvis har Lars Haugland teke seg av vedlikehaldet på Heio etter utrueleg trufaste Edvin Kjærland .

Av Ola Matti Mathisen